



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 217. Quid notandum sit circa distinctionem famæ & honoris.

**urn:nbn:de:hbz:466:1-42561**

” Non esse mortale, ad vitanda gravia tormenta,  
 ” falsum crimen sibi imponere, ex quo etiam mors  
 ” sequatur, quia non tenetur homo cum tantis  
 ” cruciatibus vitam suam tueri: nec talis dicetur se  
 ” interficere, sed tantum ex justa causa vitam morti  
 ” exponere. *Less. Dub. 7. & Fil. N. 117. Vid. infra L.*  
 ” 4. c. 3. D. 7.

## ADDENDA.

- 1191 Q. 217. *Quid notandum sit circa distinctionem famæ & honoris.* R. Seqq. §. 1. *Fama*, est existimatio bona de aliquo, quoad aliquod ejus bonum, *Mol. T. 4. D. 1. N. 4.*, & secundum hanc explicari debet definitio *Juristarum L. 5. §. 1. ff. De variis & extraord. cognit.* quâ dicunt, quod fama sit illæsæ dignitatis status, Legibus & moribus comprobatus. Dicitur 1. *Existimatio*, nam licet fama (propriè loquendo) significet opiniones plurium de aliquo, tamen rectè notat *Lugo de Just. D. 14. N. 1.* opinionem unius rectè dici famam saltem partialem; notat autem *Flsung T. 4. D. 3. N. 101.* hanc existimationem habere rationem famæ, prout fundat sermocinationem, sive prout est causa, cur homines de aliquo loqui possint, si enim existimatio maneat interna, non est completa fama, nam *fama à fando* dicitur. 2. *Bona*, nam hic non intelligim⁹ famam malam, quâ aliqui proper crima dicuntur famosi; neque famam indifferentem, quæ definiri solet, multorum existimatio de vita & moribus alterius, sed solam famam bonam. 3. *Quoad aliquod bonum*, uti sunt virtus, scientiæ, vires, valetudo, pulchritudo, nobilitas, opes, favor Principum, & quævis alia etiam extrinseca, quæ aliquam afferunt laudem, vel saltem potentiam plius operandi, talia enim commendant hominem & bonam de ipso existimatio-  
 ne in causant, *Lugo n. 2. Ex his*

Colliges,

*Colliges, infamiam esse existimationem malam de aliquo, quoad aliquod ejus malum, sive, uti definit Mol. D. 7. N. 4. est laesio statutus, dignitatis seu conditionis personae alicujus: de qua, quomodo nempe inducatur Jure vel facto, item ex delicto proprio aut alieno, vel ex officio, videri possunt Molin. suprà & Haunold. T. 2. à n. 501. Et videri etiam debent dicenda Lib. IV. à n. 786.*

§. 2. *Honor*, est testificatio quædam excellentiæ 1192 alterius, S Th. 2. 2. Q. 103. a. 1. sive (ut ait Mol. D. 1. N. 1.) est exhibitio alicujus rei velut in testimonium & recognitionem quandam excellentiæ, quam habet ille, qui honoratur. Dicitur 1. *testificatio*; quæ respectu Dei potest esse tantum interna, uti rectè S. Th. sed respectu hominum, qui interna non nōrunt, requirit externa signa, quamvis secundum Molin. interna testificatio seu agnitus excellentiæ sit etiam honor respectu hominum, præsertim eorum, quibus aliunde est sati cognita. Quòd si fiat verbo, dicitur laus, quæ laus, si clarescat, id est, si veniat ad notitiam plurimorum, dicitur gloria, quasi claria, inquit S. Thomas ad 3. gloria enim definitur, clara cum laude notitia. Potest quoque eadem testificatio fieri aliis signis, uti erectione statuæ, cessione primi loci, corporis inflexione, genuflexione &c.

2. *Quædam*, nam rectè notant Molin. Lugo & alii contra Less. Lib. 2. c. 11. N. 2. honorem non necessariò debere esse reverentiam, id est, testificationem cum submissione, nam Ioh. 10. dicitur Deus honorificaturus Sanctos. Tob. 1. Rex honoravit Tobiam.

*Eth. 6. Assuerus honoravit Mardochæum, & tamen nec DEUS ad homines, nec hi Reges habuerunt submissionem ad suos subditos: potest tamen dici cum Haunoldo num. 498. honorem semper esse, vel cum submissione ipsius testificantis, vel saltem*

cum intentione aut judicio de submissione ab aliis exhibenda, quod innuit S. Thomas a. 2. ad 1, ubi ad 3. addit, honorem non deberi nisi ratione superioritatis, quæ non necessariò considerari debeat per comparationem ad honorantem, sed saltem per comparationem ad aliquos alios, quia in quolibet invenitur aliquid, ex quo potest alius eum Superiorum reputare, secundum illud ad Philip. 2. In humilitate Superiores invicem arbitrantur. 3. Excellentia, id est, boni & perfectionis, propter quam, nisi aliquid aliud impedit, fit dignus existimatione & significatione ejusdem existimationis, nam rectè notat Lugo n. 4. per illam testificationem, quæ est honor, debere intendi, non solum significationem boni, sed etiam manifestationem internæ existimationis, quam quis saltem præsumit habere de excellentia alterius. Dixi, nisi aliquid aliud impedit, nam rectè notat Less. n. 3. dæmones & damnatos, licet habeant multas excellentias naturales, non esse honorandos, quia propter indurationē in malo & aversionē perpetuam à Fine ultimo reddiderunt se dignos omni ignominiâ. Ex his,

1193 Colliges seqq. 1. In honoratio, est testificatio quædam mali seu imperfectionis in altero, cum significacione suæ malæ existimationis de illo. 2. Si honor sumatur, prout includit famam, eique superaddit testificationem, meritò dicit Less. n. 5. quod honor sit majus bonum quam fama: è contrà si fama sumatur prout contradistincta ab honore, Lugo n. 9. rectè dicit famam prævalere honori, quia melius est internè haberri pro bono, quam externè tantum dici bonum, & internè haberri pro malo.

1194 Q. 218. Quandonam peccetur graviter contra famam vel honorem. Rz. De hoc dari non potest regula una pro omni casu sufficiens, sed consideratis circumstantiis